

傷寒論全書本義

六



傷寒論全書本義

傷寒全書本義

八九卷

傷寒論全書本義卷八

鄭許宋珏式如註

辨少陽病脉證并治法

少陽主春主胆經行身側故風寒之邪中傷其經脉弦細
頭痛發熱口苦咽乾目眩目赤耳聾胸脇煩滿病在表裏
之間所以辨少陽病脉証者辨此也更有太陽未罷轉入
少陽者則有胸脇痛耳聾脇下鞭滿乾嘔不能食往來寒
熱脉沉緊之柴胡証七太陽傳邪之入少陽者亦不可不
辨也若夫太少併病合症陽明少陽合病於太陽明篇
中辨之亦以所重不止少陽耳至少陽証多之三陽合病
與夫三陽為盡陽去入陰之証又不可不於此辨之也少
陽為病表裏有邪故汗吐下俱在所禁有宜小柴胡湯和
解者有宜刺大椎肺俞肝俞期門者論於少陽傷寒中風

詳所禁而不出方亦以治法無出和緩與刺耳後人為知
柴胡治少陽主方而不知眩冒時如結胸者正宜刺發汗
譟語者亦宜刺煩悸而驚者又惟柴胡湯加龍骨牡蠣為
宜也或以太陽、明諸柴胡湯証易置此篇中豈知少陽
病非盡柴胡証而柴胡証不止少陽病乎又槩作太陽之
傳邪果是太陽中風傳少陽而謂少陽中風可乎果是太陽
傷寒傳邪而謂傷寒脈弦細者屬少陽可乎明以辨少陽
病脈証并治法名篇何可証也何不思也

少陽之為病口苦咽乾目眩也

成無己曰足少陽胆經也內經曰有病口苦者名曰胆痺
甲乙經曰胆者中精之府五藏皆取決於胆咽為之使少
陽之脈起於目銳眥逆耳後入耳中挾咽出頤頰中少陽

為病故口苦咽乾目眩按三証皆遍於裏熱以少陽主胆有相火病則從火化而上走空竅此問而知之者也內經熱論以太陽之傳邪者言故特舉胸脇痛耳聾半裏之經病本論以少陽之自病者言故特揭口苦咽乾目眩中精之病府以為少陽傷寒中風之總綱不如是不足為少陽病也而太陽轉入少陽與雜病之在少陽者亦必有是証但不必全耳此提綱語也柴胡一言論亦發明中風之口苦咽乾者不主柴胡太少併病之眩者亦不主柴胡則柴胡証不屬少陽少陽証不專主柴胡亦明矣成氏証論亦未嘗以半表半裡之柴胡証屬少陽後人一倡百和考之本論寔不合不得不辨蓋必口苦咽乾目眩而有嘔而發熱往來寒熱胸脇煩滿或渴或欬或腹中痛或脇下痞鞭

等一証始亦柴合胡証耳

少陽中風兩耳無所聞目赤胸中滿而煩者不可吐下吐下則
悸而譫

內經曰邪氣之中氣人也無有常中於頰則下少陽其中
於膺背兩脇者亦中其經然則少陽當自中頰中脇而然
也少陽之脉起目銳眦其支者從耳後入耳中加頰車下
頸會缺盆下胸中貫膈循脇裏少陽本風木而有相火風
中其經則風動火炎故耳聾目赤胸滿而煩之類是少陰
中風也病發於陽者必發熱惡寒故不浚以此為言耳非
不發熱惡寒也胸滿而煩已見柴胡兩証當與小柴胡湯
去人參半夏加栝蒌寔桂枝以和解之否則目赤而眩從
太少併病例刺大椎肝俞不可湧吐攻下也太陽病吐下

後胸滿而煩者可吐過經後目極吐下胸中滿而痛腹滿
微煩者可下若不經誤治而胸滿心煩在太陽亦無吐下
之法況少陽主胆，無出入何可吐下若曰煩滿而誤吐
誤下津液衰耗神志虛怯則悸而驚矣魏荔彤謂此條論
不出方小柴胡中有心煩心下悸之証想可無事他求也
汗下吐三法既不可行則當和解者小柴胡為少陽對証
之葯斯用之宜決耳愚意悸而驚則小柴胡加減法不盡
可用唯柴胡加龍骨牡蠣湯為宜但無識語不須大黃
傷寒脉弦細頭痛發熱者屬少陽少陽不可發熱汗發汗則識
語此屬胃，和則愈胃不和則煩而悸

太陽傷寒脉浮緊頭連項強痛陽明傷寒脉大必因嘔欬
厥而頭痛今有傷寒惡寒之表脉不浮緊浮大而弦細頭

痛不連項亦不因嘔欬厥惟是翕々發熱者知非太陽々
明傷寒屬少陽也少陽主春脉弦細者陽初出之象也頭
痛者少陽脉上抵頭角寒傷其經則痛熱發者陽病必發
熱也而惡寒不待言矣有口苦咽乾目眩之少陽病而兼
弦細頭痛發熱惡寒之脉証是少陽經為寒邪所傷惟當
與柴胡桂枝湯和解或防冒時如結胸當刺大椎肺俞不
可用麻等桂湯發其汗也若誤發其汗則亡其津液助其
相火木邪乘土必發譫語轉屬胃矣所謂少陽々明是也
若胃和不燥無煩實大便難則譫語自至而病愈矣否則
胃燥煩實不惟譫語不止邪熱上攻更心煩而悸矣按成
無己汪琨皆謂胃不和宜下非也論於太少併病發汗譫
語而眩者刺期門此誤發少陽之汗譫語煩悸當刺期門

可知煩而悸者何可下乎下之必悸而驚矣惟柴胡加龍
骨牡蠣湯隨証加減庶胃和而表裏俱解為宜也又太陽
傷寒悸而煩者先悸而後煩故宜小建中此煩而悸是先
煩而後悸由胃而後不和故宜柴胡加龍骨牡蠣湯論於
少陽提綱及中風傷寒皆不言往來寒熱此以知少陽自
病者但發熱惡寒不往來寒熱也內經曰瘡以榮衛三陽
為害本論脉法中言寒熱以陰陽上下為言則往來寒熱
非少陽本病亦明矣或以此傷寒中風謂是太陽傳邪不
知傳邪即太少併病及下所謂太陽轉入少陽者是也今
曰少陽中風曰屬少陽直揭其名而又確指其寔正所以
辨少陽病之脉証并治法豈病始於太陽而傳入者乎甚
矣其救也喻昌曰少陽傷寒禁發汗少陽中風禁吐下二

象互舉其旨益嚴蓋傷寒之頭痛發熱耳可發汗者尚不可汗則中風之不可汗更不待言矣中風之胸滿而煩似可吐下矣者尚不可吐下則傷寒之不可吐下更不待言矣

本太陽病不解轉入少陽者脇下鞅滿乾嘔不能食往來寒熱尚未吐下脉沉緊者與小柴胡湯若已吐下發熱溫針譏語柴胡証罷此為壞病知犯何逆以法治之

此病始於太陽而傳少陽之柴胡証也本太陽病不解謂太陽頭項強痛惡寒之証未罷也轉入少陽與少陽併病若眩冒時如結胸當刺大椎肺俞肝俞今無眩冒但脇下鞅滿乾嘔不能食往來寒熱是半在太陽之表半在少陽之裏尚未吐下脉沉緊者宜與小柴胡湯去大棗加牡蠣

以解太少之邪若已吐下發汗溫針柴胡証不罷者可復
與柴胡湯此不為逆若耗其津液胃中乾燥必發譫語柴
胡証罷不中與也知其因犯何治之逆以法救之夫曰不
解傳入是太少俱病也本太陽不解轉入少陽可以知柴
胡証之所由來矣曰與而不曰主可以知柴胡湯之所自
主矣柴胡壞病不一有下之而為結胸主大陷胸湯者此
太陽未轉入少陽之壞病故可下之又下若太少併病下
之成結胸者利不止而危矣豈可復與陷胸蓋柴胡証所
該者廣矣止少陽少陽壞病吐下則悸而驚發汗則譫語
煩悸而柴胡壞病不止此也太陽病篇言之詳矣柴胡壞病可與
陷胸少陽壞病不可與陷胸則成氏以此壞病當屬少陽
柴胡証不專屬少陽明矣
柯氏謂是太陽予則以為汗吐下溫針之逆不同而壞病

亦不同此既云太陽不解轉入少陽是太少皆壞矣總之
是柴胡証之壞病陽明厥陰亦有柴胡証不止太少為然
也

三陽合病脉浮大上關上但欲眠睡目合則汗

成氏曰關脉以候少陽之氣太陽之脉浮陽明之脉大脉

浮大上關上知三陽合病胆熱睡少陰病但欲睡目合則

無汗以陰不得有汗但欲眠睡目合則汗知三陽合病胆

有熱也按目合則汗為盜汗三陽皆有此証陽明中風病

過十日有與小柴胡湯者脉証頗有同處恐此亦耳加減

小柴胡湯又合病証有多寡此既重在少陽當亦有口苦

咽乾目眩等証太陽或是遺尿陽明或是腹滿讖語

傷寒六七日無大熱其人躁煩者此為陽明去入陰也

成氏曰表為陽裏為陰邪在表則外有熱六七日邪氣入裏之時外無大熱內有躁煩表邪傳裏也故曰陽去入陰按傷寒六七日表無大熱知為陽去其人躁煩知為入陰表罷裡病也少陽經盡有是証太陽傳入少陽者亦當作如是觀辨脉法曰病六七日手足三部脉皆至大煩而口噤不能言其人躁擾者必欲解也此無大熱而躁煩知表解而入裏矣陽去入陰即表解裏未和之謂非三陰篇無熱自病之陰也入陰煩躁則是陽邪入擾與少陰厥陰篇之躁煩為陰邪宜溫者迥別若以此入陰謂即本論之三陰病之躁煩寒耶熱耶豈陽病熱邪入陰而即變為寒耶陽病陰病劃然不同何可混合為一字又成氏以煩為熱之輕者躁為熱之甚者躁煩為先躁逆遲而後煩非也陽

病不經汗下誤治而煩躁者皆為熱煩輕而躁甚曾經汗下誤治而煩躁者多是亡陽又不可槩謂之熱陰病煩有熱而躁無熱煩並言者有熱而微不煩而躁者有寒無熱同一煩躁致不同矣又陽病或亦躁煩或言煩躁有輕重之別無先後之分觀論自知又或以躁為外熱無根之火亦謬陰病果外熱而躁外熱者熱在經也躁者寒在藏也各不相蒙外熱曰躁而發是內煩熱鬱矣何謂無根之火躁以形言煩以熱言故有不煩而躁者是情躁擾亂而無大熱也大抵陰病煩躁多危陽病煩躁可治

傷寒三日三陽為盡三陰當受邪其人反能飲食而不嘔此為三陰不受邪也

此以病始於太陽次第傳經者而言然亦舉其概耳日數

不可拘也傷寒一日太陽受之太陽為諸陽主氣故能傳陽明少陽而榮衛經絡流通皆受其病是也非三陽行經盡而無表也三陽盡受其病當轉入陰經。病連臟三陰受病則藏氣不和其人當不能食而嘔若反能食而不嘔是表病裏和邪但在陽經而不傳陰經也由是觀之三陽篇中之嘔不能食者即為三陰受邪可知諸柴胡証及凡加薑夏諸方正為此三陰受邪者設耳汪珪謂邪在少陽原嘔不能食今反能食而不嘔可徵裏氣和而少陽之邪自解也非也論於也少陽病未嘗言嘔不能食惟三陰有之為陰病但本論於陽病入陰者皆謂之裏而不曰陰以病發於陽必有表始有裏非三陰自病獨病者以耳但曰陰不受在三陽者自若即熱論所謂未入於藏可汗而已